



МОНГОЛ УЛС  
БАЯНХОНГОР АЙМГИЙН ЗАСАГ ДАРГЫН  
АЛБАН ДААЛГАВАР

2023 оны 08 сарын 01 өдөр

Дугаар 05

Номгон

2023-2024 оны өвөлжилт, хаваржилтын  
бэлтгэл хангах тухай

Байгалийн болзошгүй гамшиг, эрсдэлээс урьдчилан сэргийлэх, 2023-2024 оны өвөлжилт хаваржилтын бэлтгэл хангах ажлыг шуурхай зохион байгуулах, түүнд тавих хяналтыг сайжруулах зорилгоор “Хөдөө аж ахуйн салбарын 2023-2024 оны өвөлжилт, хаваржилтын бэлтгэл хангах зарим арга хэмжээний тухай” Монгол Улсын Засгийн газрын 2023 оны 279 дугаар тогтоол, “Хөдөө аж ахуйн салбарын 2023-2024 оны өвөлжилт, хаваржилтын бэлтгэл хангах ажлыг эрчимжүүлэх тухай” Монгол Улсын Ерөнхий сайдын 2023 оны 03 дугаар албан даалгаврыг хэрэгжүүлэх зорилгоор ДААЛГАХ нь:

**Нэг. Аймгийн Онцгой байдлын газар, Авто тээврийн төвд даалгах нь:**

1.1. Ган, зудын эрсдэлийн үнэлгээ хийж хариу арга хэмжээний төлөвлөгөөг нарийвчлан боловсруулж хэрэгжилтийг хангах

1.2. Өвөл, хаврын улиралд цаг агаарын хүндрэлтэй нөхцөлөөс шалтгаалан зам даваа хаагдах, халтиргаа гулгаа үүсэх эрсдэлээс урьдчилан сэргийлэх, хариу арга хэмжээг зохион байгуулах, машин техник, хүн хүчний бэлэн байдлыг хангах,

**Хоёр. Аймгийн Ус цаг уур орчны шинжилгээний албанд даалгах нь:**

2.1. 2023-2024 оны өвөл, хаврын бэлчээрийн даацыг цаг уурын урьдчилсан мэдээнд тулгуурлан бодитой тогтоох, цаг агаарын мэдээ, гамшигт үзэгдлийн талаарх урьдчилан сэргийлэх мэдээг иргэд, малчдад түргэн шуурхай хүргэх арга хэмжээ авч хэрэгжүүлэх.

**Гурав. Хүнс, хөдөө аж ахуйн газар, сумдын Засаг дарга нарт даалгах нь:**

3.1. Хөдөө аж ахуйн салбарын өвөлжилт, хаваржилтын бэлтгэл хангах талаар нарийвчилсан төлөвлөгөө гарган хэрэгжилтийг хангуулах, отор нүүдлийг зохион байгуулах, улсын тусгай хэрэгцээний отрын бүсэд орох, гарах хөдөлгөөнийг цахимжуулах, нэгдсэн мэдээллийн сан үүсгэж ил тод болгох.

3.2. Хөдөө аж ахуйн салбарын 2023-2024 оны өвөлжилт, хаваржилтын бэлтгэл ажлын хүрээнд аймгийн аюулгүйн нөөцөд 200 тн өвс, 100 тн тэжээл, сум тус бүр 30 тн

642302003

өвс, 30 тн тэжээл зайлшгүй бэлтгэх, аймгийн төвийн хүн амын 2024 оны хаврын улирлын хүнсний хэрэгцээнд 284,5 тн мах бэлтгэн нөөцлөх ажлыг зохион байгуулах

3.3. Мал аж ахуйн салбарын эрсдэлийг бууруулах, малыг эдийн засгийн эргэлтэд оруулах, тэжээл үйлдвэрлэл хангамжийг нэмэгдүүлэхэд гадаад зээл, тусламжийн эх үүсвэрийг ашиглах боломжийг судлан арга хэмжээ авах.

3.4. Цаг агаарын нөхцөл байдалтай уялдуулан ургац хураалтын бэлтгэл ажлыг эрчимжүүлэх, ургацын урьдчилсан балансад үндэслэн тэжээлийн хангамжийг тооцох

3.5. Бэлчээрийн ургамал хамгааллын ажлыг технологийн дагуу чанартай зохион байгуулж, ашиглалт, хамгаалалтыг нэмэгдүүлэх.

3.6. Усгүйгээс ашиглахгүй байгаа бэлчээрийг эргэлтэд оруулах зорилгоор геофизикийн хайгуул хийх, уст цэг тогтоох ажлыг зохион байгуулж шинээр гаргах, худгийн нөөц цэгийн тоог нэмэгдүүлэх, инженерийн хийцтэй худгийн чанар, өмчийн бүртгэлд хяналт тавих.

3.7. Намрын ургац хураалт, хадлан тэжээлийн бэлтгэл болон өвөл, хаврын улирлын тэжээлийн хэрэгцээ, хангамжид үндэслэн дотоодод бэлтгэсэн өвс, тэжээл, хивэгийн импортыг нэмэгдүүлэх арга хэмжээг хэрэгжүүлж ажиллах.

3.8. Мал сүргийг технологит хугацаанд ялган тэмдэглэж бүртгэлжүүлэх, мэдээллийн нэгдсэн санд бүртгэх ажлыг тогтмолжуулах, малын үзлэг ангилалтыг технологийн дагуу хийж, стандартын шаардлага хангахгүй үржлийн малын 10 хүртэлх, дундаас доош тарга хүчтэй, эр сувай малын 50 хүртэлх хувийг эдийн засгийн эргэлтэд оруулах ажлыг зохион байгуулах.

3.9. Хээлтүүлэгчийн үзлэг, ангилалт, заазлалтыг чанартай гүйцэтгүүлж, дутагдаж буй хээлтүүлэгчийг нөхөн тавих, хээлтүүлгийн ажлыг технологийн хугацаанд хийж хэрэгжүүлэх.

3.10. Хадлан, гар тэжээл бэлтгэх ажлыг технологит хугацаанд хийж гүйцэтгүүлэх.

3.11. Ургац хураалтад ажиллах хүн хүч, техникийн бэлэн байдал, зохион байгуулалтыг бүрэн хангуулах, цаг агаарын гамшигт үзэгдлээс ургацыг хамгаалах, урьдчилан сэргийлэх арга хэмжээг тогтмол хэрэгжүүлэх.


3.12. Бэлчээрийн даац багтаамжид тулгуурлан аймаг, сумдын отрын бүс нутаг, улсын хилийн зурвас болон байгалийн тусгай хамгаалалттай газар нутагт отроор өвөлжүүлэх малчин өрх, мал сүргийн тоог харилцан тохиролцож гэрээ байгуулан ажиллах.

3.13. Орон нутгийн тусгай хэрэгцээний газарт отор нүүдэл хийх журмыг аймаг, сумын ИТХ-аар баталж мөрдөн ажиллах.

**Дөрөв. Мал эмнэлгийн газарт даалгах нь:**

Хувийг Аймгийн ХОХБТХэлтэс, ГХБХБГ-т хүргүүлэв.

ЗАХИРАЛ



М.АРИУНАА

4.1. Малын отор нүүдэл, шилжилт хөдөлгөөнтэй холбоотой мал эмнэлгийн хорио цээрийн хяналт шалгалтыг эрчимжүүлж, болзошгүй эрсдэлээс урьдчилан сэргийлэх ажлыг чанартай зохион байгуулах

4.2. Мал эмнэлгийн урьдчилан сэргийлэх арга хэмжээг технологийн хугацаанд чанартай зохион байгуулж, зайлшгүй шаардлагатай эм, эмнэлгийн хэрэгслээр хүртээмжтэй хангах, нөөцийг бүрдүүлэх

4.3. Малын халдварт, гоц халдварт шүлхий өвчгүй, тайван байдлыг хадгалах, шилжилт хөдөлгөөнийг бүртгэх, хянах, шаардлагатай тохиолдолд хязгаарлах арга хэмжээг хууль тогтоомжийн хүрээнд авч хэрэгжүүлэх

4.4. Мал эмнэлгийн үйлчилгээг шуурхай, чанартай зохион байгуулах, хот суурин газарт нэвтрэх мал, мах, малын гаралтай түүхий эд бүтээгдэхүүнд мал эмнэлгийн гэрчилгээ олгохдоо вакцинжуулалт, тарилга, туулгалтын хугацааг сайтар хянах, тээврийн хэрэгслийн халдваргүйжүүлэлтийг тогтмол хийх, зам дагуух орон нутгийн чанартай хяналтын цэгүүдийн үйл ажиллагааг идэвхжүүлэх

**Тав. Цагдаагийн газарт даалгах нь:**

5.1. Ургац хураалт болон мал, мах бэлтгэлийн үед замын хяналтын цэгийн хяналт шалгалтыг шуурхай хэрэгжүүлж, хүндрэл чирэгдлийг багасгах, гарал үүсэл тодорхойгүй, халдварт болон гоц халдварт өвчин дэгдэж болзошгүй малын шилжилт хөдөлгөөнд хязгаарлалт тогтоож, хууль тогтоомжийн дагуу арга хэмжээ авах

**Зургаа. Сумдын засаг дарга нарт даалгах нь:**

6.1. Сумдын Засаг дарга, аж ахуй нэгж, албан байгууллагын дарга эрхлэгч нар өвлийн бэлтгэл хангах ажлыг чанартай биелүүлж аймгийн комисст хүлээлгэн өгөх

6.2. Хадлан тэжээл бэлтгэх техник тоног төхөөрөмжийн хангалтыг сайжруулах чиглэлээр шаардлагатай арга хэмжээ авч ажиллан сумын, өвс тэжээлийн аюулгүйн заавал бүрдүүлэх, сум, багийн аюулгүйн нөөцийн өвс, тэжээлийг холбогдох газартай гэрээ байгуулан татаж байршуулах ажлыг 10 дугаар сарын 25-ны дотор хийх,

6.3. Зарим шаардлагатай хадлангийн талбайг өнжөөх, сэлгэх хадлан бэлтгэх гэрээ хэлэлцээ хийж зохицуулах

6.4. Малын гоц халдварт, халдварт, паразиттах өвчнөөс урьдчилан сэргийлэх зорилгоор хашаа байрны ариутгал, халдваргүйжүүлэлтийн арга хэмжээг технологид заасан хугацаанд нь чанартай зохион байгуулж мал, эмнэлгийн дуудлага үйлчилгээний бэлэн байдлыг бүрдүүлж, шуурхай удирдлагаар хангаж ажиллах

6.5. Сумын нийт бэлчээрийн 10-аас доошгүй хувийг гамшгийн үед ашиглах нөөц бэлчээрээр авах

6.6. Малын хашаа хороо, саравч засварлах, шинээр барих, хүрэлцээг нэмэгдүүлэх, бууц хэвтрийг хатаах, ариутгах ажлыг чанартай зохион байгуулж, цаг

хүндэрсэн үед хэрэглэх өвс, тэжээл, гар тэжээл, түлээ түлшээ нөөцлөх, хоол хүнс, хувцас хэрэглэл, эм хэрэгсэл зэргийг базааж өвөлжилтийн бэлтгэлээ сайтар хангахыг малчин өрх бүрд анхааруулах

6.7.Сумынхаа нийт малд үзлэг ангилалт явуулж тарга хүч муутай, хөгшин, үржилд тэнцэхгүй малыг зах зээлд борлуулах, өвөлжих малын тоог цөөлөх улмаар иргэдийн хүнсний хэрэгцээт махны нөөцийг нэмэгдүүлэх

6.8.Аймаг, сумын эрүүл мэндийн байгууллагад шаардлагатай эм, эмнэлгийн хэрэгслийн нөөц бүрдүүлэн түргэн тусламжийн машин, багаж хэрэгслийн бэлэн байдлын хангаж нутагтаа болон отроор өвөлжиж, хаваржих малчдад шаардлагатай үед эрүүл мэндийн үйлчилгээг түргэн шуурхай үзүүлэх

6.9.Малын тоо толгойн албан татварын тухай хуулийн хэрэгжилтийг эрчимжүүлж орлого бүрдүүлэлтийг ил тод болгох, орлогын эх үүсвэрийг хууль тогтоомжид заасны дагуу эрэмбэлэн зарцуулах, хяналт тавих

6.10.Улсын тусгай хамгаалалттай газар, улсын тусгай хэрэгцээний аймаг дундын отрын бүс нутгийг ашиглах гэрээг холбогдох газартай байгуулах талаар саналаа хугацаанд нь явуулж шийдүүлэх

6.11.Отроор нүүдэллэж байгаа малчин өрхийг тухайн нутаг захиргааны байгууллага болон хүн, мал эмнэлгийн байгууллагад бүртгүүлэх, холбогдох мэргэжлийн байгууллагын тусламж үйлчилгээг үзүүлж ажиллах

***Долоо.Тайлагналт:***

7.1.Албан даалгаврын хэрэгжилт, өвөлжилтийн бэлтгэл ажлын тайланг 2023 оны 10 дугаар сарын 25-ны дотор нэгтгэн, шаардлагатай бол газар дээр нь биечлэн танилцаж Онцгой комиссын хуралд танилцуулахыг Хүнс, хөдөө аж ахуйн газар (У.Балжинням)-т даалгасугай.

ДАРГА



Д.МӨНХСАЙХАН